

2

Uns erbern Rats der Statt
Augspurg Ordnung die All-
müsenherren vnd verwalter
der Armen dürfftigen da
selbs belangend.

Faint, illegible text, possibly bleed-through from the reverse side of the page.

W

Jewel ain Erber Rat diser Statt Augspurg/ vormaln in sůch-
ung vnd samlung des hailigen Allmůsen (damit solchs nůz-
lich/ eerlich vnd nordůrfftiglich verzert vnd gepraucht wur-
de) vil gůtter ordnung vnnnd sazungen sůrgenommen vnnnd
gemacht. Vedoeh so ist ain erbern Rat vilmaln vnnnd tůglichen
angelangt/ das bemelt hailig allmůsen / so an vil ortten vnnnd
ennden/ in diser Statt Augspurg/ tůglichen miltiglichen aufge-
spendte vnd gegeben/ durch vil mans vnd frůwen person/ vn-
angesehen ains erbern Rats ordnungen/ in mer dann ainen
weg vnnnůzlichen vnnnd vnnordůrfftiglich verzert vnnnd ver-
schwendt werde/ das dann den andern personen die des All-
můsens nordůrfftig seind / damit je leibsnarung enzogen/
vnd an solchem Allmůsen verhindert werden.

Ferrer ain Erber Rat glaublich bericht wirdet/ das das All-
můsen (wo man annderst weste/ wo das wol angelegt/ vnd
in aufspendung desselben gůt ordnung sůrgenomen vnd ge-
halten) noch vil meer grůsser vnd reihlicher/ tůglichen gegeben
wůrde/ Damit dan solch gůt werck/ vnd der gůt will der per-
sonen/ so das Allmůsen miltiglichen aufgeben/ ye nit verhin-
dert/ vnd deren/ mans vnd frůwen person mercklicher gefar
vnd frůwel/ so sy bissher in ersamelttem Allmůsen gesůcht vnd
gebraucht/ sůrkomen vnd abgestelt/ das hailig allmůsen/ eer-
lich/ nůzlichen vnd nordůrfftiglichen/ darumb es dan aufzugeben
angesehen trewlich angelegt/ aufgespendt/ auch von den ein-
nemern dermassen eingenomen vnd verzert werde/ So hat
bemelter Rat nachvolgend Ordnung sůrgenomen/ gemachte
vnd gesetzt.

Zum ersten/ das vor allen dingen/ vier oder sechs mans per-
son/ erbers Stands vnd wesens veordnet/ die dan hinfůro All-
můsenherren/ vnd verwalter der Armen důrfftigen benamet/
Denselben auch vier oder sechs erber vnnnderknecht/ vmb ain
zimliche belonung zůgeben werden/ Dieselben vier oder sechs
samt iren zůgeordneten knechten/ den armen důrfftigen per-
sonen/ an Sonntagen/ vnd allen gepotten Feirtagen/ vor vnd
nach mittag/ in allen Pfarren vnd clůstern/ auch von haus

zu hauff/wie Sy gut ansehen/vnd die notturfft erhaifchen wirdet/das hailig Allmüfen famlen vnd einnemen/ Vnd alsdan daffelbig erfamelt allmüfen / den armen dürfftigen personen/ zum nützlichsten/ vnd sich gepürt auftailen vnd raichen Vnd damit sy daffelbig erfamelt allmüfen zum sicherlichsten vnnnd gewiffestem nützlich anlegen vnnnd auftailen mögen / so föllen dieselben verordneten / sampt iren zügeben knechten / der armen leüt heüfer / in der wuchen ain mal visitiern vnnnd haimfuchen / auch der selben mangel / gebrechen vnd gelegenhait / aigentlich erfaren/ermessen Vnnnd nach demselben/ wie sy am nützlichsten sein bedunckt / das hailig allmüfen den armen mittailen in all weg.

Es föllen auch hinfüro die Speenzaichen den vier oder sechs verordneten zügestelt/vnd durch sy den armen dürfftigen personen / zü dem nottürfftigsten/aufgetailt / gegeben/vnnnd daneben durch ain erbarn Rat/bey den jhen/so gestiffte allmüfen haben / vnd verwalten / freüntlich ansinnen vñ einsehens geschehen/ damit dieselben gestiffte allmüfen/nach der obgemelten verordneten gut beduncken / doch in allweg der stiftung gemess vnnnd vnnachtailig aufgetailt vnd gegeben werden/ sonder generde.

Zum andern / das (wie in der alten ordnung / vormals auch begriffen) nun hinfüro / ainich mans oder strawen person/ weder eeleüt/wittiber / wittiben / noch ledigs stands / die gewachsen/ oder zu iren tagen kummen sein/burger noch inwo-ner / in diser stat Augspurg / weder tags noch nachts kains wegs nach dem bettel geen/ noch das allmüfen offentlich süchen / noch einnemen föllen / jnen sey dann das züvor/ durch die vorgemelten dartzü verordneten vergündt vnd erlaubt/ Vnd jnen deßhalben zü ainem schein vnd anzaigen / ain zaichen (so yede person / der nachdem allmüfen zügeen / vergünt wirdet/ offentlich an jme tragen fölle/ gegeben werden / Vnd on solhe erlauptnuß / vnnnd gegeben zaichen / nach dem allmüfen niemands geen/nach das süchen soll/in kain weiß noch wege.

Zum dritten / das von den verordneten / ain yede mans vnnnd
frawen person / so das allmüßen zusüchen erlaubt / vnd zaichen
gegeben / oder die personen / so das allmüßen one zaichen mitge-
tailt wirdet / mit iren tauff vnd zünamen aigentlich beschriben
vnd auff ain yede person / wie die jr wesen halt / kuntschafft vñ
aufmercken zu haben bestellt werden soll / Vnd wa die verord-
neten erfunden / das solch allmüßen durch ainich person / so das
einnimpt / vnnützlich verzert / oder sich die sunst anderst dann
zimblich vnd eerlich halten würde / oder ob Sy die verordneten
yemant erfüren / der das allmüßen vor der kirchen / oder sunst /
offenlich vnd one erlauptnuß / vnd one zaichen / wie obstat /
einnemen wölten oder würden / gegen der oder denselben per-
sonen / sollen die verordneten fürnemen vnd handeln / als sich
nach gestalt der sachen gepürt.

Zum vierten / das durch die zügeben knecht der verordneten /
vnd auch scharwacher mit den betlern verfügt vñ verschafft
werde / das die betler das allmüßen in der kirchen / auff den
zunfft / vnd in anndern heüßern zusüchen in allweg ab / vnd
müßig standen / vnd desselbigen allain vor der kirchen / oder
sunst an offen orten gewertig sein vnd einnemen sollen / in all-
weg. ~~Wer aber das allmüßen in der kirchen durch sich selbs~~
oder seine kinder zubitten vnd zu samlen betretten würde / der
oder die / sollen auß der stat geschafft werden.

Zum fünfften / das alle mans vnd frawen personen / den / wie
obsteet / das allmüßen zusüchen vergündt wirdet / vnd des all-
müßens vor der kirchen gewarten / allain ire aigne / vnnnd sunst
niemants andere kinder bey inen haben / vnd sitzen lassen / doch
so sollen sy kein kind ob acht jaren alt / fürserzñ / noch nach dem
allmüßen schicken / Es wäre dann das solchs auß erberer not-
turfft / vnnnd dartzü bewegenden redlichen vsachen von den
verordneten vergündt vnd erlaubt würde.

Es soll auch ainichem knaben oder töchterlin ob zehen jaren
alt / so arbeiten / vnd sein brot gewinnen mag / das allmüßen

vor der kirchen / oder an andern orten zusuchen / noch einzunehmen kains wegs gestadt / noch vergündt / Sonnder ob solchs von vater oder müter zugesehen zügesehen / vnd sy die kinder darauffziehen vnnnd halten wurden / dem oder denselben solle on alle gnad die stat verpotten werden.

Zum sechsten / das ain yeder Burger oder inwoner / wölches eelichen hauffrawen / durch die verordneten das allmüsen zusuchen vnd einzunehmen erlaubt / vñ ain zaichen gegeben wirdet / vnnnd täglich mit iren kindern vor der kirchen sitzen / alle sonntag / vnd an allen andern gepotten feirtagen / bey derselben seiner hauffrawen / vnnnd je baider kinder / ob sy die annderst betten / vor der kirchen sitzen oder steen / vñ das allmüsen auch mit einnehmen vnnnd empfaen solle / on alle widerrede / in all wege.

Ob aber so gethane merckliche armüt / gebrechen oder krankheit bey vnd an den leütten / dermassen erfunden würden / sol bey der verordneten ansehen vnd erkantnuß steen / Denselben von dem ersamelten allmüsen was zugeben / vnd jnen zubetlern nit gestadt / oder so sich die sachen dermassen zütriegen / ainem zum tail ain hilff zuthün / vnd daneben das allmüsen zusuchen zünergünnen / oder gar nichtit zugeben / vnd daneben das betlern auch züverbieten.

Zum sibenden / das die frembden pilgerin vnd annder betler / von manns vnd frauwen personen / so her komen / hie durch gehen / oder in annder wege / zü roß oder wagen durch ziehen / sollen des betlens in kirchen / heüßern vnd bewonungen in all weg müßig steen / vnnnd das allmüsen allain vor den kirchen / den heüßern / bewonungen / oder sunst an offentlichen orten / drey tag / vnd nit darüber / süchen / bitten vnd einnehmen / doch die mäßigung solcher dreyer tag / merer oder minder zeit / sol allwegen in ains Erbern Rats willen vnd gefallen steen / Vnd sunst nach verrückung der dreyer tag / wie gemellt / die frembden betler vnd betlerin / die sich bemelte zeit in würtshheüßern /

oder anderthalben in der Statt enthalten / vnd das allmüßen
gesücht / vnuerzogenlich auß der Statt thün / vnd für ohin des
scheins darinn mit meer betlen / noch vmbgeen sollen / in kain
weiß noch weg. Wan aber sy / jr wär ainer oder mer / wenig
oder vil / darüber lenger in der Statt beliben / betlen / vnd also
begriffen würden / alsdann gegen dem oder denselben / mit der
straff für genommen vnnnd gehandelt werden solle / als sich
yedes mals nach gestalt der sachen gepüren wirdet.

Zum achtenden soll bey allen wein vnd bierschencken ernstlich
verfügt / vnd in diser stat offenlich berüßt vnd verkündt wer
den / das yeder wein oder bierschenck / kain frembden betler
noch betlerin / auch dergleichen landtfarer / noch troffer / jre
weiber oder diernen / so die bey yemant einkomen / über drey
tag nit behausen / beherbergen / noch enthalten sollen / weder
haimlich noch offenlich / in kainerlay weiß noch wege. Welche
aber das überfaren / vnnnd nachmaln sich des mit ainicherlay
verplämpten außzügen zuentschuldigen vndersteen würden /
der oder dieselben sollen vmb yedes überfaren / vnangesehen
jrer verplämpten einreden / on alle gnad ernstlich gestrafft
werden.

Vnd obe auch sich ain oder mer dergleichen personen / ainich-
es gefars zugebrauchen vndersteen / vnnnd also so sy drey tag an
ainer herberg gelegen weren / sich alsdann an ain ander her-
berg thün / vnnnd von ainer zü der andern wechseln wölten /
Zuff solher gefar / vñ andere stück / sol sonnder auffsehen zuha-
ben bestellt / vnd so die an Burgermaister oder die verordenten
gelangen / alsdann / der oder dieselben / so sich solhes gefars /
oder anderer bösen stück / angemast / geübt vnd gebraucht het-
ten / ernstlich gestrafft werden sollen.

Zum neündten / solle verfügt vnnnd bestellt werden / das alle
Spitaler in diser stat / das allmüßen dhains wegs süchen / son-
der sich jrer pfründen benügen lassen / vnnnd behelffen sollen
in allweg.

Zum zehenden/das alle vnd yede betler/von mans vnd frau-
en personen/in diser stat/ sich der wein vnd bierschencken heü-
fer/vnd in allweg des spilens müßigen/vnnd wo jr ainer oder
meer darinnen/oder ob dem spil betreten vnnd begriffen/der
oder dieselben/züvor in das narrenheüßlin gelegt / vnd nach-
maln von dannen/auf der stat gefürt werden sollen.

Schüler halben.

Zum ailfften/das die verordneten sich mit allen schülmaistern
in diser Statt vergleichen / vnnd also bey jnen güte erfahrung
thün sollen Wölche schüler sich erberlich halten / auch vleissig
die schülen visitieren vnd lernen/das alsdann den selben vleis-
sigen schülern/ omb das allmüßen zugeen vñ zusingen/zaichen
vnd dartzü jnen/was man von erbern leüten / dartzü genaigt/
ausbringen möcht/damit man zum tail jres geschrayes vor den
heüßern vnd bewonungen ab wär/in gemain zü gleichen tay-
len/nach ansehen der verordneten gegeben aufspenden Vnnd
auch der gestalt. Wölche haupthebigen Burger oder inwoner
hie/wuchenlichen/ oder zü anndern zeiten/in der verordneten
heüßer/was von bemelter schüler wegen / geben wölten oder
wurden/den selben sollen die verordneten schrifft oder zaichen
an jre heüßer oder bewonung machen lassen/damit die eegerür-
ten schüler/an den orten fürgangen/sy mit irem singen nit be-
schwären / sonder jrs allmüßens von den verordneten gewar-
ten/wie sy dann das ansehen werden. Wölche aber den ver-
ordneten jr gab dermassen nit züstellen / sonder die schüler vor
jren heüßern oder bewonungen singen/vnd sy mit dem allmü-
ßen selbs fürsehen lassen wölten oder wurden/ die sollen des zu-
thün macht haben/vnd weiter nit getrungen werden. Vnnd
die andern vnfleissigen frembde schüler/oder die auff dem spil/
oder sunst in anndern vnerbern sachen betreten oder erfarn
wurden/auf der stat schaffen / sy darinnen kainz wegs zuge-
dulden.

In was gestalt das allmüsen/ annderst dann allain nach der
verordneten güte beduncken / vnnnd wie sy der notturfft nach
güt ansehen wirdet/ ferrer außzütailen sein werde / soll durch
ain erbern Rat/ so es die notturfft erfordert / auch betracht vn̄
ermessen werden.

Es sollen auch allain zu solchem ampt der Allmüsenherrī vn̄
verwalter / die allain genomen werden / die mit dem klainen
Rat/ vn̄ Richter ampt nit beladen sein/ Vn̄ soll ain yeder zway
jar dabey beleiben / doch das allwegen drey alt / vn̄ drey neüwe
verordnet allmüsenherien vnd verwalter seyen. Also auch bey
der verordneten willen steen jre zugegeben knecht jres gefal-
lens zu vrlauben / vnnnd die sy vermainen darzū am geschick-
testen zusein / anzunemen. Die selben sechs verordneten Allmü-
senherrī vn̄ verwalter sollen auch allain rechnung jres einne-
mens/ vnnnd restats/ aber kainer auß gab zuthūn schuldig sein/
dieweil es zuthūn nit wol möglich ist/ Doch mit der endrunng
der ersten drey Allmüsenherrī vnnnd verwalter/ so mit dem loß
daruon geen/ vn̄ die andern für alt dabey beleiben sollen/ würt
solchs besteen/ wie bemelter Rat das angesehen hat.

Auch hierin̄ bemeltem Rat diser statt Augspurg sein oberkait/
vnd das alles vnnnd yedes hie oben begriffen / zu mindern / zu
meeren/ vnd in all annder weg/ nach seiner gelegenhait zustel-
len / vnd ferrer zu ordnen vorbehalten.


Actum auff Donnerstag nach Oculi in der Fasten / den
XXVII tag Marcij Anno 1c. in dem fünffzehenhundert
vnd zwayvndzwainzigisten Jare.

Faint, illegible text at the top of the page, possibly bleed-through from the reverse side.

Second block of faint, illegible text, appearing as bleed-through from the reverse side of the page.

Third block of faint, illegible text, also appearing as bleed-through from the reverse side.

Final block of faint, illegible text at the bottom of the page, likely bleed-through from the reverse side.



207, 208, 20 - Sonderk. 284
204, 203

20011290

✓ GS-16.2h.
RA 00/376
DEM

59 06